



REPUBLIKA E SHQIPËRISË
Kuvendi

P R O J E K T L I G J

Nr. _____/2025

PËR
KRIJIMIN, MBAJTJEN DHE MENAXHIMIN E REZERVAVE MINIMALE TË
SIGURISË TË NAFTËS BRUTO DHE NËNPRODUKTEVE TË SAJ¹

Neni 1
Objekti

Objekti i këtij ligji është përcaktimi i rregullave për:

1. krijimin dhe mbajtjen e rezervave të sigurisë për naftën bruto dhe nënproduktet e saj për të siguruar një nivel të lartë të sigurisë së furnizimit me naftë bruto dhe nënprodukte të saj në Republikën e Shqipërisë;
2. përdorimin e rezervave të sigurisë në rast të reduktimit të papritur deri në mungesë të furnizimit të tregut me nënprodukte të naftës bruto.

Neni 2
Përkufizime

Në kuptim të këtij ligji, termat e mëposhtëm kanë këto kuptime:

1. "Aditivët /Produktet shtesë", përbërës jo hidrokarbure të shtuara ose të përziera me një produkt për të modifikuar vetitë e tij;
2. "Autoriteti", Autoriteti për Rezervën e Sigurisë të Naftës (ARS) e autorizuar për të blerë, shitur dhe magazinuar (mbajtur) rezervat e sigurisë të naftës bruto dhe nënprodukteve të saj në Republikën e Shqipërisë përfshirë dhe rezervat specifike.
3. "Biokarburante", lëndë djegëse të lëngët ose të gaztë për sektorin e transportit të prodhuar nga biomasa, "biomasa" është pjesa e biodegradueshme e produkteve, mbeturinave dhe mbetjeve nga bujqësia (përfshirë substancat bimore dhe shtazore), pylltaria dhe industrinë e ndërlidhura, si dhe pjesë e biodegradueshme e mbetjeve industriale dhe urbane.
4. "Depozitat me lëndë djegëse të anijeve detare ndërkombëtare", në kuptimin e seksionit 2.1 të Aneksit A të Rregullores (KE) Nr. 1099/2008.

¹ 1 Ky ligj është përafëruar plotësisht me direktivën 2009/119/KE të Parlamentit Europian dhe të Këshillit, datë 14 shtator 2009, "Mbi vendosjen e detyrimit tek Vendet Anëtare për mbajtjen e rezervës minimale të sigurisë për naftën dhe/ose nënproduktet e saj", ndryshuar me direktivën 2018/1581 date 19 tetor 2018 dhe Rregulloren 2018/1999, date 11 Dhjetor 2018

5. "Disponueshmëria fizike", marrëveshjet për vendosjen dhe transportin e rezervave për të siguruar shpërndarjen e tyre ose dërgimin efektiv deri të përdoruesi fundor dhe tregjet brenda afateve kohore dhe kushteve të favorshme për zbutjen e problemeve të furnizimit që mund të kenë lindur.
6. "Konsumi vendas", sasia totale e llogaritur sipas nenit 3, e shpërndarë brenda vendit për përdorim energjetik dhe jo energjetik. Kjo përfshin furnizimin e sektorit të tjetërsimit dhe furnizimin në industri, transport, familjet dhe sektorë të tjerë për konsum 'final'; ajo gjithashtu përfshin konsumin e vet të sektorit të energjisë (përveç lëndës djegëse për rafineritë).
7. "Ministër", ministri përgjegjës për energjinë.
8. "Ministria", ministria përgjegjëse për energjinë.
9. "Ndërprerje e madhe në furnizim", rënie e konsiderueshme dhe e papritur në furnizimin e naftës bruto ose nënprodukteve të saj në vendet anëtare të BE/Komunitetit të Energjisë, pavarësisht nëse është marrë apo jo një vendim ndërkombëtar për përdorimin e rezervave të sigurisë.
10. "Ndërprerje lokale në furnizim", rënie e konsiderueshme dhe e papritur në furnizimin e produkteve të naftës në Republikën e Shqipërisë, pavarësisht nëse për këtë është marrë apo jo një vendim ndërkombëtar për përdorimin e rezervave të sigurisë.
11. "Operatori Ekonomik", subjekt juridik që kryen veprimtarinë e rafinim-përpunimit dhe tregtimit me shumicë të naftës bruto dhe nënprodukteve të saj dhe që është i pajisur me lejet përkatëse të lëshuara nga autoriteti kompetent për një ose disa nga veprimtaritë e mësipërme.
12. "Rezerva naftë", rezervat e produkteve energjetike të listuara në kapitullin 3.4 të Aneksit A të Rregullores (KE) Nr. 1099/2008.
13. "Rezervat e sigurisë të naftës", rezervat e naftës dhe/ose nënprodukteve të saj që duhet të mbahen në vendet anëtare të BE/Komunitetit të Energjisë, përfshire dhe Republikën e Shqipërisë, sipas nenit 3 të këtij ligji.
14. "Rezervat specifike", rezervat e naftës që plotësojnë kriteret e përcaktuara në këtë ligj.
15. "Rezervat tregtare", rezervat e naftës të mbajtura nga operatorët ekonomikë që nuk janë objekt i këtij ligji.
16. "Sekretariati i Komunitetit të Energjisë - SKE", institucioni i Komunitetit të Energjisë që funksionon në bazë të Traktatit të Komunitetit të Energjisë.
17. "Vendimi efektiv ndërkombëtar për shpërndarjen e rezervave", çdo vendim në fuqi i marrë nga Bordi Drejtues i Agjencisë Ndërkombëtare të Energjisë për të vënë në dispozicion naftën bruto ose nënproduktet e saj në treg nëpërmjet zhbllokimit të rezervave nga anëtarët e tij dhe/ose masave shtesë.
18. "Vendimi për përdorimin e rezervave të sigurisë" çdo vendim i vlefshëm i marrë nga Këshilli i Ministrave për të nxjerrë produkte energjetike hidrokarbure në dispozicion të tregut, dhe duke marrë masa shtesë nëse është e nevojshme dhe/ose duke përdorur rezervat e anëtarëve të Komunitetit të Energjisë.
19. "Vështirësi në furnizim" një rënie e konsiderueshme dhe e menjëhershme në furnizimin e produkteve të energjisë në një Shtet Anëtar të Komunitetit të Energjisë apo të Bashkimit Evropian, e cila mund të shoqërohet me një vendim efektiv ndërkombëtar për përdorimin e rezervave të sigurisë.
20. "Viti referues" viti kalendarik për të dhënave të konsumit apo të importit neto të përdorura për të llogaritur rezervat që do të mbahen ose rezervat e mbajtura në një kohë të caktuar.

Krijimi dhe llogaritja e rezervave të sigurisë

1. Rezervat e sigurisë krijohen gradualisht në baze të Planit të Veprimit, sipas nenit 6 të këtij ligji deri sa shuma e përgjithshme e rezervave të sigurisë në Republikën e Shqipërisë të jetë të paktën 90 ditë mesatare ditore të importeve neto ose të paktën 61 ditë të mesatare ditore të sasisë të konsumit të brendshëm, cilado nga dy sasitë është më e madhe. Mesatarja ditore e importeve neto llogaritet në bazë të ekuivalentimit në naftë bruto të importeve të produkteve energjetike hidrokarbure gjatë vitit paraardhës kalendarik. Mesatarja ditore e konsumit të brendshëm llogaritet në bazë të ekuivalentimit në naftë bruto të produkteve energjetike hidrokarbure me konsumit të brendshëm gjatë vitit paraardhës kalendarik.
2. Metoda e llogaritjes, përbërja e rezervave të sigurisë dhe procedurat përcaktohet me vendim të Këshillit të Ministrave, referuar përcaktimeve të direktivës 2009/119/KE të Parlamentit Europian dhe të Këshillit, datë 14 shtator 2009, "Mbi vendosjen e detyrimit tek Vendet Anëtare për mbajtjen e rezervës minimale të sigurisë për naftën dhe/ose nënproduktet e saj", të ndryshuar.
3. Pavarësisht pikës 2 të këtij neni, mesataret ditore të importeve neto dhe konsumi i brendshëm, siç përmendet në atë pike, do të përcaktohen, sa lidhet me periudhën nga 1 janari deri më 30 qershor të çdo viti kalendarik, në bazë të sasive të importuara ose të konsumuara gjatë vitit të fundit, por para një viti kalendarik në fjalë.
4. Biokarburantet dhe produktet shtesë do të merren në konsiderate në llogaritjen e shumave aktuale të rezervave të sigurisë vetëm kur ato:
 - a. janë të përzier me nënproduktet e naftës bruto përkatëse.
 - b. janë të depozituara si rezerva të sigurisë dhe së bashku me nënproduktet e naftës bruto dhe do të ruhen në të njëjtën depo ose magazina të cilat janë të lidhura me instalime funksionale në Republikën e Shqipërisë.

Biokarburantet do të merren në konsideratë vetëm kur ata do të përdoren në sektorin e transportit, në masën në të cilën ato mund të jenë të përzier me produktet ekzistuese të naftës, sipas specifikimeve teknike.

Neni 4

Disponueshmëria e rezervës

1. Rezervat e sigurisë dhe ato specifike duhet të jenë të disponueshme dhe të kontrollueshme në çdo kohë për qëllimet e këtij ligji. Rezervat e sigurisë nuk duhet të jenë subjekt i barrës hipotekore, pengut, shtrëngimit dhe konfiskimit.
2. Autoriteti dhe Operatorët Ekonomikë duhet të sigurojnë që rezervat e sigurisë dhe ato specifike të jenë në çdo kohë fizikisht të përdorshme dhe nuk lejohet të transferohen nga objektet depozituese të caktuara për mbajtjen e rezervave të sigurisë, pa miratimin paraprak të Autoritetit.
3. Rezervat e sigurisë të ruajtura në territorin e Republikës së Shqipërisë në kuadër të marrëveshjes dypalëshe për çdo shtet anëtar të Bashkimit Evropian ose të Komunitetit të Energjisë, nuk duhet të jenë subjekt i barrës hipotekore, pengut, shtrëngimit dhe konfiskimit.

4. Rezervat e sigurisë të ruajtura në territorin e Republikës së Shqipërisë në bazë të marrëveshjes dypalëshe me shtetet e tjera anëtare të SKE, për llogari të të cilit rezervat janë mbajtur nën këtë marrëveshje, duhet të transferohen pa pengesa tek shteti zotërues, në përputhje me këtë marrëveshje.

Neni 5

Grumbullimi i të dhënave, ruajtja e tyre për llogaritjen e detyrimit të mbajtjes së rezervave të sigurisë dhe raportimi

1. Grumbullimi dhe përpunimi i të dhënave për llogaritjen e detyrimit të mbajtjes së rezervës së sigurisë si dhe për produktet hidrokarbure që nuk llogariten si rezerva të sigurisë, behet nga Autoriteti në bashkëpunim me INSTAT dhe DPD.
2. Metodologjia e grumbullimit, ruajtjes, përpunimit të të dhënave, forma dhe mënyra e paraqitjes së tyre si dhe mënyrat e raportimit përcaktohen me vendim të Këshillit të Ministrave.
3. Për qëllime të raportimit periodik në nivel kombëtar dhe ndërkombëtar si edhe menaxhimit të të dhënave, Autoriteti mban Regjistrin Kombëtar të Rezervave të Sigurisë, i cili përditësohet për të dhënat në lidhje me vendndodhjen e kapaciteteve depozituese, kapacitetin depozitues dhe sasinë e depozituara.
4. Të dhënat klasifikohen sipas përcaktimit të këtij ligji në publike dhe konfidenciale

Neni 6

Rregullat për përcaktimin e sasisë dhe strukturës së rezervave të sigurisë

1. Këshilli i Ministrave, me propozimin e ministrit, miraton një plan veprimi për krijimin e rezervave të sigurisë. Planin e veprimit përcakton sasinë e përgjithshme të rezervave të sigurisë në Republikën e Shqipërisë duke krijuar atë në mënyrë graduale në përputhje me nenin 3 të këtij ligji.
2. Krijimi, mbajtja dhe ripërtëritja e rezervave të sigurisë behet nga Autoriteti duke u bazuar në Planin e veprimit për krijimin e rezervave të sigurisë sipas pikës 1 të këtij neni.

Neni 7

Mbajtja e rezervave të sigurisë

1. Mbajtja e rezervave të sigurisë të naftës bruto dhe nënproduktet e saj në territorin e Republikës së Shqipërisë përbën prioritet.
2. Rezervat e sigurisë që janë në pronësi të Shtetit Shqiptar duhet të jenë të siguruara në çdo kohë nga një shoqëri sigurimesh lidhur me demet ndaj pronës.
3. Autoriteti është përgjegjës për çdo humbje të rezervave të sigurisë, për të cilat është titulluar për mbajtjen e tyre dhe dëmeve ndaj të tretëve dhe mjedisit.

Neni 8

Të drejtat dhe detyrimet që rrjedhin nga magazinimi i rezervave të sigurisë

1. Objektet depozituese të Operatorëve Ekonomikë, të kontraktuar për ruajtjen e rezervave të sigurisë të jene të pajisur me vërtetim teknik për respektimin e normave dhe kushteve teknike për depozitim të naftës bruto dhe nënprodukteve të saj sipas dispozitave ligjore në fuqi.

2. Operatorët ekonomike janë të detyruar të mirëmbajnë cilësinë e rezervave të sigurisë të naftës bruto dhe nënprodukteve të saj në përputhje me rregullat mbi cilësinë e këtyre produkteve në Republikën e Shqipërisë.
3. Operatorët Ekonomikë janë të detyruar që të lejojnë inspektimin pa asnjë lloj pengese të ARS, organet fiskale dhe përfaqësuesve të autorizuar të tyre. Përfaqësuesit e ARS, në çdo kohë, bëjnë verifikimin e cilësisë dhe sasisë në objektet e magazinimit dhe sigurojnë dokumentacionin e plotë lidhur me rezervat e sigurisë. Në këtë proces merret në konsideratë vetëm ndryshimi i gjendjes për shkak të firove të miratuara që janë në fuqi në Republikën e Shqipërisë por në çdo rast, operatorët ekonomike duhet të mbajnë rezervën e sigurisë në nivelin e përcaktuar.
4. Autoriteti dhe Operatorët Ekonomikë që mbajnë rezervat e sigurisë, janë të detyruar të lejojnë përfaqësuesit e autorizuar nga Ministria për të kontrolluar dokumentet që kanë të bëjnë me rezervat e sigurisë si dhe magazinat dhe vendet ku mbahen rezervat e sigurisë.
5. Autoriteti dhe Operatorët Ekonomikë që ruajnë dhe mbajnë rezervat e sigurisë janë të detyruar të mbajnë të gjitha dokumentet dhe të dhënat për llojin, sasinë, cilësinë dhe vendndodhjen e rezervave.

Neni 9

Autoriteti për Rezervën e Sigurisë (ARS) dhe statusi ligjor i saj.

1. Autoriteti për Rezervën e Sigurisë (ARS) Autoriteti është struktura përgjegjëse për krijimin, mbajtjen dhe përdorimin e rezervave të sigurisë. ARS është entitet publik, i cili autorizohet për të blerë, shitur, magazinuar dhe menaxhuar përdorimin rezervës së sigurisë të naftës bruto dhe nënprodukteve të saj për qëllime të këtij ligji për Republikën e Shqipërisë ose me delegim.
2. Autoriteti është person juridik publik jofitimprurës dhe jo buxhetor, në varësi të Ministrisë.
3. Krijimi, mënyra e funksionimit dhe kompetencat e detajuara të ARS miratohen me Vendim të Këshillit të Ministrave, me propozim të Ministrit.
4. Marrëdhëniet e punës së punonjësve të Autoritetit rregullohen nga Kodi i Punës.
5. Autoriteti për një periudhë të caktuar, mund të delegojë detyra që kanë të bëjnë me ruajtjen dhe menaxhimin e rezervave të sigurisë, të krijuara sipas nenit 3, të këtij ligji, me përjashtim të shitjes dhe blerjes të rezervave specifike, vetëm tek :

(a) një shtet, anëtarë të Bashkimit Evropian ose nënshkrues të Traktatit të Komunitetit të Energjisë apo autoriteteve përkatëse për rezervat në këto shtete, në bazë të një marrëveshje shërbimi e cila lidhet nga ana e Autoritetit Detyrat e deleguara në këtë mënyrë nuk mund të nëndelegohet.

(b) operatorët ekonomikë, në bazë të një Marrëveshje që lidhet midis Autoritetit dhe operatorit ekonomik. Detyrat e deleguara në këtë mënyrë nuk mund të nëndelegohen.

Kur një delegim i tillë, ose çdo ndryshim ose zgjerim i atij delegimi, përfshin detyra që lidhen me menaxhimin e rezervave të sigurisë dhe rezervave specifike të mbajtura në një shtet anëtarë të Bashkimit Evropian ose nënshkrues të Traktatit të Komunitetit të Energjisë, delegimi do të autorizohet paraprakisht si nga Republika e Shqipërisë ashtu edhe nga të gjitha Shteti ose Shtetet brenda territoreve të cilave do të mbahen rezervat.

5. Delegimet nuk do të ndryshojnë në asnjë mënyrë detyrimet e marra përsipër për rezervën, sipas këtij Ligji.
6. Autoriteti do të kontraktojë detyra të deleguara si dhe do të menaxhojë nëpërmjet shitjes dhe blerjes, rezervën e sigurisë, bazuar në procedura konkurruese, objektive, transparente dhe jodiskriminuese duke synuar edhe përdorimin e platformave elektronike për tregtimin e produkteve energjetike.
7. Krijimi i ARS, mënyra e funksionimit dhe kompetencat, përfshirë ajo për miratimin e procedurave konkurruese, miratohen me Vendim të Këshillit të Ministrave, me propozim të Ministrit.
8. Marrëdhëniet e punës së punonjësve të Autoritetit rregullohen nga Kodi i Punës.
9. Të gjitha rezervat e sigurisë së naftës bruto dhe nënprodukteve të saj që mbahen në emër dhe për llogari të ARS, për qëllime të këtij ligji, përjashtohen nga akcizat, doganat, taksat e tjera dhe detyrimet e TVSH-së, siç përcaktohet në legjislacionin fiskal dhe doganor në fuqi, derisa nuk janë hedhur në treg.

Neni 10 Metodat e financimit

1. Fondet e dedikuara për mbulimin e shpenzimeve për krijimin, ruajtjen, mirëmbajtjen, inspektimin e rezervave të sigurisë, si dhe për aktivitetet e tjera të rregullta të autoritetit, sigurohen nga:
 - i. Tarifat e krijimit dhe mbajtjes së rezervës së sigurisë që aplikohen mbi sasitë e produkteve energjetike hidrokarbure që i nënshtrohet detyrimit për pagimin e takses së Akcizes në përputhje me Ligji Nr. 61/2012 datë 24.05.2012 “Për akcizat në Republikën e Shqipërisë” ndryshuar;
 - ii. Kredi të mundshme të marra në përputhje me legjislacionin në fuqi;
 - iii. Të ardhurat nga shitja e rezervave;
 - iv. Të ardhurat nga shitja e shërbimeve;
 - v. Buxheti i shtetit.
 - vi. Burime të tjera.
2. Fondet e përmendura në pikën 1 të këtij neni, paguhen në llogarinë e Autoritetit.
3. Këshilli i Ministrave, me propozimin e ministrit përgjegjës për energjinë dhe atij të financave, vendos tarifat e përmendura në pikën 1/i të këtij neni. Shuma e tarifave mbi produktet energjetike hidrokarbure në lekë / litër ose leke / kg për çdo kategori të produkteve energjetike hidrokarbure (ose e përbashkët për të gjitha kategoritë) sipas nenit 3, përcaktohet në bazë të nevojave të financimit për vitin fiskal përkatës për aktivitetin e Autoritetit.
4. Fondet e papërdorura nga viti i kaluar mbarten për përdorim për vitin e ardhshëm.

Neni 11 Subjektet e detyruar për pagesën e tarifës

1. Tarifat e krijimit dhe mbajtjes së rezervës së sigurisë, për detyruesit në bazë të pikës 2 të nenit 10, paguhen për llogari të autoritetit. Arketimi i kësaj pagese bëhet nga Autoriteti Doganor gjatë mbledhjes së detyrimit doganor të mallrave me akcizë.

2. Paguesit e tarifës së sigurisë janë të detyruar që brenda afatit prej 30 ditësh pas përfundimit të muajit kalendarik në të cilin paguhet pagesa e kësaj tarife, të dorëzojnë të dhënat në lidhje me pagesën e realizuar pranë Autoritetit.

Neni 12 Rezervat specifike

1. Këshilli i Ministrave me vendim mund të krijojë dhe mbaje e rezerve specifike, si pjesë e rezervave të sigurisë të përmendura në nenin 3 të këtij ligji.
2. Vendimi i Këshillit të Ministrave duhet të përfshijë një listë të produkteve energjetike hidrokarbure që do të përdoren për krijimin dhe mbajtjen e rezervave specifike, nivelin e rezervave specifike dhe kohëzgjatjen e detyrimit për të mbajtur rezervat specifike, në përputhje me nenin 3 të këtij ligji.
3. Krijimi dhe mbajtja e rezervave specifike ka efekt të paktën 1 (një) vit kalendarik.

Neni 13 Plani Kombëtar i Reagimit

1. Në rast të ndërprerjes së furnizimit të tregut me nënproduktet e naftës bruto, Këshilli i Ministrave me propozim të Ministrit, merr vendim për përdorimin e rezervave të sigurisë, në përputhje me "Planin Kombëtar të Reagimit" të përcaktuar në pikën 2 të këtij neni.
2. Në Planin Kombëtar të Reagimit duhet të përcaktohen të paktën elementet e mëposhtëm:
 - a. Arsyeja për përdorimin e rezervave të sigurisë
 - b. Afatet për lëvrimin dhe furnizimin për shitje të rezervave të sigurisë
 - c. Kushtet për përdorimin e rezervave të sigurisë
 - d. Lloji dhe sasia e nënprodukteve të naftës që do të përdoret
 - e. Veprimet e nevojshme për zëvendësimin e rezervës së sigurisë që do të përdoret
3. Në rast se rezervat e sigurisë janë përdorur, rezervat duhet të zëvendësohen në nivelin e kërkuar gjatë periudhës së rënë dakord në Planin Kombëtar të Reagimit.
4. Rregullat dhe procedurat e hartimit të Planit Kombëtar të Reagimit, përfshirë përcaktimin e çmimit të hedhjes në treg dhe mënyrën e përdorimit të rezervave të sigurisë, përcaktohen me vendim të Këshillit të Ministrave.

Neni 14 Bashkëpunimi me institucionet përkatëse ndërkombëtare

1. Ministria është përgjegjëse për koordinimin dhe bashkëpunimin me Komisionin Evropian dhe SKE. Kjo përfshin të gjitha çështjet që lidhen me sigurinë e furnizimit të produkteve energjetike hidrokarbure në vendet e Komunitetit të Energjisë, si dhe në rastet vështirësive të mëdha në furnizim dhe çështjet që lidhen me raportimin për gjendjen e

rezervave të detyrueshme të Shqipërisë. Autoriteti siguron mbështetje profesionale për Ministrinë në këtë bashkëpunim.

2. Ministria dhe Autoriteti përfaqësojnë Republikën e Shqipërisë në punët dhe këshillimin profesional në organet e SKE apo Komisioni Europian që merren me çështjet e sigurisë së furnizimit.

Neni 15

Organet kompetente për monitorimin

1. Monitorimi për zbatimin e dispozitave të këtij ligji dhe të marrëveshjeve për depozitimin dhe përtëritjen e rezervave të sigurisë kryhet nga Ministria dhe Autoriteti.
2. Personat e autorizuar nga Autoriteti dhe Ministria, sipas rastit, kryejnë aktivitetet e monitorimit dhe marrin masa në bazë të kompetencave të tyre të përcaktuara me këtë ligj apo ndonjë akt tjetër në lidhje me:
 - a. Monitorimin për zbatimin e kontratave për magazinimin e rezervës së sigurisë
 - b. Shqyrtimin dhe kontrollin e dokumentacionit dhe dëshmive për pagesën e tarifave për mbajtjen e rezervës së sigurisë për detyruesin e pagesës së tarifës në përputhje me nenin 10 të këtij ligji;
 - c. Shqyrtimin e dokumentacionit dhe dëshmive të Operatorëve Ekonomikë që kanë të bëjnë me përdorimin, ruajtjen dhe aktivitete të tjera në lidhje me rezervat e sigurisë të marra në përputhje me këtë ligj dhe rregulloret në fuqi.
3. Personat e autorizuar nga pika 2 e këtij neni, të kryejnë detyrat e monitorimit dhe të marrin masa për të cilat janë të autorizuar me këtë ligj dhe të tjera akte nënligjore, në bashkëpunim me organet inspektuese të autorizuar dhe / ose kontrollin e trupave inspektuese të laboratorët e akredituar, në lidhje me:
 - a. Kontrollin e sasisë së nënprodukteve të naftës të mbajtura si rezervave sigurie, dhe
 - b. Kontrollin e cilësisë së nënprodukteve të naftës të mbajtura si rezervave sigurie.
4. Gjatë monitorimit, Autoriteti në bazë të marrëveshjes, mund të angazhojë dhe persona të tjerë, fizik ose juridik, nga fushat përkatëse në kryerjen e ndonjë aktiviteti profesional.

Neni 16

Mbrojtja e individëve në lidhje me përpunimin e të dhënave

Të dhënat e agreguara për sasinë dhe strukturën e rezervave të sigurisë të nënprodukteve të naftës të krijuara në përputhje me këtë ligj do të jenë publike.

Të dhënat e detajuara për shpërndarjen territoriale të kapacitetit depozitues, të rezervave të sigurisë të nënprodukteve të naftës sipas sasisë dhe strukturës së saj, përfshirë regjistrin kombëtar, janë konfidenciale.

Neni 17
Kundërvajtjet administrative

Shkeljet e mëposhtme, kur nuk përbëjnë vepër penale, konsiderohen kundërvajtje administrative dhe dënohen si më poshtë:

1. Gjobë në vlerën 2 000 000 lekë ndaj Operatorit Ekonomik nëse ai përdor rezervat e detyrueshme në mënyrë të paautorizuar ose ndryshon fushëveprimin ose hapësirën e tyre magazinuese ose në rast se disponon produkteve të naftës nga rezervat e detyrueshme në kundërshtim me kontratën dhe me këtë ligj.
2. Gjobë në vlerën 5 000 000 lekë Operatorit Ekonomik nëse ai përdor rezervat e detyrueshme si mjet për sigurimin e aplikacioneve ndaj palëve të treta, garanci ose çdo lloj mirëmbajtje dhe sigurimi dhe si mjete ekzekutimi e konfiskimi, sipas nenit 9 të këtij ligji.
3. Gjobë në vlerën 10.000.000 lekë do t'i vendoset për kundërvajtje Operatorit Ekonomik, përkatësisht detyruesit për pagimin e tarifës së mbajtjes së rezervës nëse:
 - a) rezervat e sigurisë që në aspektin e cilësisë nuk i plotësojnë standardet e cilësisë në fuqi, për lëndë djegëse të lëngëta, në Republikën e Shqipërisë dhe që përmbajnë përbërës të paligjshme dhe / ose papastërti që mund të ndikojnë ndjeshëm në cilësinë faktike dhe sasinë e rezervave të sigurisë në bazë të nenit 8 dhe 15;
 - b) nuk ruan të dhënat dhe nuk i paraqet dokumentacionin e disponueshëm lidhur me rezervat e sigurisë, jep informacione të pasakta, të paplota, jo në kohë ose jep informacion në një mënyrë të ndryshme nga ajo e parashikuar në përputhje me nenin 8 dhe 15.
 - c) nuk ofron akses në kapacitetet e magazinimit ku rezervat e sigurisë ruhen në përputhje me nenin 8 dhe 15;
 - d) nuk i lejon hyrje të lirë në objektet, dokumentet, sistemet elektronike ose çdo mjet tjetër të lidhur me llogaritjen dhe pagesën e tarifës së mbajtjes së rezervave dhe nuk paraqesin dokumentacionin e plotë të kërkuar për kryerjen e monitorimit, në përputhje me nenin 8 dhe 15.
 - e) nuk paguan tarifën për mbajtjen e rezervat në përputhje me nenin 10 të këtij ligji;
 - f) nuk pranon masat në përputhje me Planin Kombëtar të Reagimit sipas nenit 13 të këtij ligji;
4. Përveç gjobës për kundërvajtjet të parashikuar nga pikat 1 dhe 2 të këtij neni, personi juridik i cili ka kryer dy ose më shumë kundërvajtje brenda një viti apo ka përsëritur kundërvajtjen e parashikuar nga pikat 1 dhe 2 të këtij neni, mund t'i vendoset një ndalim i përkohshëm në kryerjen e një veprimtarie të caktuar për një periudhë prej një viti, dhe personi përgjegjës i personit juridik për të njëjtën kundërvajtje i vendoset një ndalim i përkohshëm i kryerjes së ndonjë profesioni, veprimtarie ose detyre të caktuar deri në një vit.
5. Përveç gjobës për kundërvajtje të parashikuar nga pika 3 e këtij neni, personi juridik i cili ka kryer dy ose më shumë kundërvajtje brenda një viti, mund t'i vendoset dhe një ndalim i përkohshëm për kryerjen e një aktiviteti të caktuar për një periudhë prej tre deri gjashtë muaj, dhe personit përgjegjës të personit juridik për të njëjtën kundërvajtje i vendoset edhe një ndalim i përkohshëm për kryerjen e ndonjë profesioni, veprimtarie ose detyre të caktuar për një periudhë deri në gjashtë muaj.
6. Gjocat e parashikuar në këtë nen jepen nga Autoriteti.

7. Të ardhurat e përfituara nga gjobat e vena kalojnë në Buxhetin e Shtetit.
8. Shqyrtimi, marrja e vendimit përfundimtar, ankimi ndaj vendimit dhe ekzekutimi i gjobave bëhet në përputhje me parashikimet e ligjit nr. 10 279, datë 20.5.2010, “Për kundërvajtjet administrative”.
9. Pas kalimit të afateve të ankimit administrativ, ARS publikon vendimin përfundimtar apo një përmbledhje të tij.

Neni 18

1. Rezervat e sigurisë të çdo kategori të produkteve energjetike hidrokarbure të përcaktuar në nenin 3 të këtij ligji të mbahen, në çdo kohë, në përputhje me Planin e Veprimit.
2. Dispozitat e ligjit nr. 8450, date 14.02.1999 “Per përpunimin, transportin dhe tregtimin e naftës, të gazit dhe nënprodukteve të tyre”, të ndryshuar dhe të akteve nënligjore të dala në zbatim të tij, zbatohen persa nuk bien ndesh me dispozitat e këtij ligji.
3. Autoriteti përgatit raport vlerësues për zbatimin e këtij ligji brenda 24 muajve nga hyrja në fuqi.
4. Raporti dorëzohet pranë Ministrit dhe të dhënat e agreguara publikohen.

Neni 19

Aktet nënligjore

1. Ngarkohet Këshilli i Ministrave që, brenda 12 muajve nga hyrja në fuqi e këtij ligji, të miratojë aktet nënligjore në zbatim të neneve 3 pika 2;5 pika 2; 6; ; 9 pika 3;10 pika 3; 12;13.

Neni 20

Hyrja në fuqi

Ky ligj hyn në fuqi më _____.